

Pagbibigay ng Unang bunga Yugto 1

“9 Parangalin mo ang PANGINOON ng iyong tinatangkilik, at ng mga unang bunga ng lahat mong ani:10 Sa gayo’y mapupuno ang iyong mga kamalig ng sagana, at ang iyong mga alilisan ay aapawan ng bagong alak.” (Kawikaan 3:9-10)

Ang Bibliya ay nagsasabi tungkol sa unang silang at ang mga unang bunga na pag-aari ng Panginoong ating Dios. Habang nangangako tayong unahin ang Dios at bilang ating pangunahin, pagbabasa, at pag-unawa sa Salita ng Dios ay higit na nagpapasigla sa atin upang gawin ang hinihiling ng Dios sa atin. **Pinararangalan natin ang Panginoon sa ating mga katawan at pamumuhay dahil tayo ay Kanyang templo. Kailangan din nating parangalan ang Panginoon sa bawat ari-arian o pag-aari na ating taglay at sa unang bunga ng lahat ng ating pagdami. Ang unang bunga ay ang mga bagay na pag-aari ng Dios at kailangan natin itong ibalik sa Panginoon.** Bilang pagsunod natin sa utos na ito, ang Panginoon ay magdadagdag pa sa atin at pagpapalain tayo nang sagana lampas sa ating inaakala. Ipinangako Niya, **“10 Sa gayo’y mapupuno ang iyong mga kamalig ng sagana, at ang iyong mga alilisan ay aapawan ng bagong alak.” (Kawikaan 3:10 KJV)** Inuuna natin ang Dios sa pagbibigay sa Kanya ng ating unang bunga.

A. Igalang ang Dios sa mga Unang Bunga:

1. Ang paggalang sa Dios sa mga unang bunga ay pagkilos ng katapatan na ipinahayag sa pamamagitan ng pagbibigay: Dapat nating alalahanin at parangalan ang Dios sa pagbabalik sa Kanya ng mga unang bunga na ating tinanggap mula sa Kanya. Ito ay ang mga kinakailangan ng Panginoon mula sa atin. **“1 At ang PANGINOON ay nagsalita kay Moises, na sinasabi, 2 Pakabanalin mo sa akin ang lahat ng mga panganay, anomang nagbubukas ng bahay-bata sa mga anak ni Israel: maging sa tao at maging sa hayop ay akin.” (Exodu 13:1-2) “12 Ay ihihwalay mo para sa PANGINOON yaong lahat na nagbubukas ng bahay-bata, at bawa’t panganay na mayroon ka na mula sa hayop; ang mga lalake, ay sa PANGINOON. 13 At bawa’t panganay sa asno ay tutubusin mo ng isang kordero; at kung hindi mo tutubusin, ay iyo ngang babaliin ang kaniyang leeg: at lahat ng mga panganay na lalake sa iyong mga anak ay iyong tutubusin.” (Exodu 13:12-13 KJV)**

2. Ang paggalang sa Dios sa mga unang bunga ay paggunita sa makapangyarihang mga gawa ng Dios at kaligtasan at pagliligtas: Kinakailangan ng Dios ang pagtatalaga ng mga panganay at ang mga unang bunga sa pagliligtas sa Kanyang hinirang na bayan mula sa ilalim at pagkaalipin sa Egipto. **“36 Sinaktan din niya ang lahat na panganay sa kanilang lupain, ang puno ng lahat nilang kalakasan. 37 At kaniyang inilabas sila na may pilak at ginto: at hindi nagkaroon ng mahinang tao sa kaniyang mga lipi.” (Awit 105:36-37 KJV) “50 Kaniyang iginawa ng landas ang kaniyang galit; hindi niya pinigil ang kanilang buhay sa kamatayan, kundi ibinigay ang kanilang buhay sa pagkapuksa; 51 At sinaktan ang lahat na panganay sa Egipto, ang panguna ng kanilang kalakasan sa mga tolda ni Cham: 52 Nguni’t kaniyang pinayaon ang kaniyang sariling bayan na parang mga tupa, at pinatnubayan sila sa ilang na parang kawan.” (Awit 78: 50-52 KJV)** Ang Panginoon ay pinuksa ang mga panganay ng mga Egipto, tao at hayop, ngunit inalis Niya ang Kanyang bayan nang matagumpay sa araw na kinuha Niya ang Kanyang bayan sa Egipto. **“14 At mangyayari, na pagtatanong sa iyo ng iyong anak sa panahong darating, na sasabihin, Ano ito? na iyong sasabihin sa kaniya: Sa pamamagitan ng lakas ng kamay ay inilabas tayo ng PANGINOON sa Egipto, sa bahay ng pagkaalipin. 15 At nangyari, nang magmatigas si Faraon na hindi kami tulutang yumaon, ay pinatay ng PANGINOON ang lahat ng mga panganay sa lupain ng Egipto, ang panganay ng tao at gayon din ang panganay ng hayop: kaya’t aking inihahain sa PANGINOON ang lahat ng nagbubukas ng bahay-bata na mga lalake; nguni’t lahat ng panganay ng aking anak ay aking tinutubos. 16 At magiging pinakatanda sa iyong kamay, at pinakaalaala sa pagitan ng iyong mga mata: sapagka’t sa pamamagitan ng lakas ng kamay ay inilabas tayo ng PANGINOON sa Egipto.” (Exodu 13:14-16 KJV)** Ang Panginoong Dios ay iniligtas tayo, at habang ang Dios ay patuloy na ginagawa ang malaking mga himala at kababalagahan sa ating buhay, sa pagpapanatili ng ating kalusugan, pagbibigay ng lahat ng ating kailangan, at pagpapala sa atin sa bawat lugar ng ating buhay, ibalik sa Kanya ang unang ani ng lahat ng ating pananim o ang unang buwan ng ating buong sahod at kinikita sa bawat taon bilang isang tanda ng pasasalamat at pagkilala sa Kanyang kabutihan at kamangha manghang gawa para sa pagliligtas sa atin mula sa pagkaalipin sa kasalanan at kamatayan. Kung walang biyaya ng pagliligtas ng Dios at nang walang pagtataguyod ng Dios at pagbibigay para sa lahat ng pang araw araw nating pangangailangan, wala tayo at wala tayong magagawa. Sa gayon ang pagbibigay sa Dios ng unang bunga ay pagbibigay ng ating unang sahod, ang unang pagtaas, ang unang buwan kinikita sa bawat taon bilang pagpapasakop sa utos ng Dios. Kailangan din nating ipaliwanag ang dahilan para sa pagbibigay ng ating mga unang bunga sa Dios sa ating mga anak at sa ating mga alagad sapagka’t tayo’y naging isang alipin ng kasalanan at nasa malalim na pagkaalipin at isang alipin sa ating mga pangangailangan, ngayon ay pinalaya ng Panginoon sa pamamagitan ng dugo ni Jesus, ang unang bunga mula sa libingan. Kailangan natin lahat na maunawaan ang kahulugan at gawin ang hinihiling ng Dios sa atin upang sa huli ay pagpalain. **“29 Huwag kang magmamakupad ng paghahandog ng iyong mga**

ani, at ng tulo ng iyong mga pigaan. Ang panganay sa iyong mga anak na lalake ay ibibigay mo sa akin." (Exodu 22:29 KJV)

3. Ang Dios ay hinati ang mga unang bunga para sa mga pari: "8 At sinalita ng PANGINOON kay Aaron, At ako'y, narito, aking ibinigay sa iyo ang katungkulan sa mga handog na itinaas sa aking, lahat ng mga banal na bagay ng mga anak ni Israel; aking ibinigay sa iyo dahil sa pagpapahid, at sa iyong mga anak na marapat na bahagi ninyo, magpakailan man. 13 Ang mga unang hinog na bunga ng lahat na nasa kanilang lupain, na kanilang dinadala sa PANGINOON, ay magiging iyo; bawa't malinis sa iyong bahay ay kakain niyaon. 14 Lahat ng mga bagay na natatalaga sa Israel ay magiging iyo. 15 Lahat ng mga bagay na nagbubukas ng bahay-bata, sa lahat ng laman na kanilang inihahandog sa PANGINOON, sa mga tao at gayon din sa mga hayop, ay magiging iyo; gayon man ang panganay sa tao ay tunay na iyong tutubusin, at ang panganay sa maruruming hayop ay iyong tutubusin. 16 At yaong mga matutubos sa kanila, mula sa isang buwang gulang ay iyong tutubusin, ayon sa iyong pagkahalaga, ng limang siklong pilak, ayon sa siklo ng santuario (na dalawang pung gera)." (Bilang 18:8, 12-16 KJV) Ang Panginoong Dios ay ibinigay ang mga unang bunga kay Aaron ang pari para sa kanyang ikabubuhay. Ang praktikal na pagsasagawa ng kautusang ito ay para sa atin ngayon na ang unang mga bunga ay gagamitin upang suportahan ang simbahan. "20 At sinabi ng PANGINOON kay Aaron, Huwag kang magkakaroon ng mana sa kanilang lupain, ni magkakaroon ka ng anomang bahagi sa gitna nila: ako ang iyong bahagi at ang iyong mana sa gitna ng mga anak ni Israel." (Bilang 18:20 KJV) Ang mga pari ay hindi nabigyan ng mamamahing ngunit silay suportado sa mga unang bunga bilang ang Dios ang nagtalaga. Mayroong labindalawang angkan sa Israel kabilang ang Ephraim at Manasse at sa gayon bawat angkan ay pasanin ang responsibilidad sa bawat buwan ng taon upang suportahan ang mga pari sa kanilang unang mga bunga.

4. Ang Dios ay nagbigay ng pagkakaiba ng unang mga bunga at ikapu: "21 At sa mga anak ni Levi, ay narito, aking ibinigay ang lahat ng ikasangpung bahagi sa Israel na pinakamana, na ganti sa kanilang paglilingkod na kanilang ipinaglilingkod, sa makatuwid baga'y sa paglilingkod sa tabernakulo ng kapisanan. 22 At sa haharapin ay huwag lalapit ang mga anak ni Israel sa tabernakulo ng kapisanan, baka sila'y magtaglay ng kasalanan, at mamatay. 23 Nguni't gagawin ng mga Levita ang paglilingkod ng tabernakulo ng kapisanan; at kanilang tataglayin ang kanilang kasamaan: ito'y magiging palatuntunan magpakailan man sa buong panahon ng inyong mga lahi, at sa gitna ng mga anak ni Israel ay hindi sila magkakaroon ng mana. 24 Sapagka't ang ikasangpung bahagi ng tinatangkilik ng mga anak ni Israel na kanilang ihahandog na pinakahandog na itinaas sa PANGINOON, ay aking ibinigay sa mga Levita na pinakamana: kaya't aking sinabi sa kanila, Sa gitna ng mga anak ni Israel ay hindi sila magkakaroon ng mana." (Bilang 18:21-24 KJV) Mula sa nabanggit sa Banal na Kasulatan ito ay malinaw na ang ikapu at ang mga unang bunga ay magkaibang institusyon. Inilaan ng Dios ang ikapu para sa mga Levita at ang mga unang bunga para sa mga pari. Ang praktikal na pagsasagawa ng tagubilin ito ng simbahan sa ngayon ay upang gamitin ang ikapu upang suportahan ang mga manggagawa ng simbahan at ang mga unang bunga ay upang suportahan ang pastor at ang kanyang makadios na pamilya.

Katulad, sa aklat ng Nehemiah, ito ay malinaw na naipaliwanag na ang ikapu at ang mga unang bunga ay magkaiba ng institusyon. "35 At upang dalhin ang mga unang bunga ng aming lupa, at ang mga unang bunga ng lahat na bunga ng sarisaring puno ng kahoy, taon-taon, sa bahay ng PANGINOON: 36 Gayon din ang panganay sa aming mga anak na lalake, at sa aming hayop, gaya ng nasusulat sa kautusan, at ang mga panganay sa aming bakahan at sa aming mga kawan, upang dalhin sa bahay ng aming Dios, sa mga saserdote, na nagsisipangasiwa sa bahay ng aming Dios: 37 At upang aming dalhin ang mga unang bunga ng aming harina, at ang aming mga handog na itataas, at ang bunga ng sarisaring punong kahoy, ang alak, at ang langis, sa mga saserdote, sa mga silid ng bahay ng aming Dios; at ang ikasangpung bahagi ng aming lupa sa mga Levita; sapagka't sila, na mga Levita, ay nagsisikuha ng mga ikasangpung bahagi sa lahat na aming mga bayan na bukiran." (Nehemiah 10:35-37 KJV) Muli ang ikapu ay ibibigay sa mga Levita at hindi sa mga pari sapagkat ang mga pari ay nakakatanggap ng mga unang bunga.

Nagyon sa mga nagsasabi na ang katuruan sa pagbibigay ng mga unang bunga ay nasa Lumang Testamento, ang aking sagot sa kanila ay ang katuruan ng pagbibigay ng ikapu ay nasa Lumang Testamento din at isinasagawa din ito sa Bagong Testamento.

B. Ang Panganay ay pag-aari ng Dios: "11 At sinalita ng Panginoon kay Moises, na sinasabi, 12 At tungkol sa akin, narito, aking kinuha ang mga Levita sa gitna ng mga anak ni Israel sa halip ng mga panganay na nagbubukas ng bahay-bata sa mga anak ni Israel: at ang mga Levita ay magiging akin: 13 Sapagka't lahat ng mga panganay ay sa akin; sapagka't nang araw na aking lipulin ang lahat ng mga panganay sa lupain ng Egipto ay aking pinapagingbanal sa akin, ang lahat ng mga panganay sa Israel, maging tao at maging hayop: sila'y magiging akin; ako ang PANGINOON." (Bilang 3:11-13 KJV) Ang unang silang na lalaki at ang panganay na baka at tupa ay tunay na pagaari ng Dios at hindi natin maaring isantabi ang batas ng Dios:

“14 At sinalita ng PANGINOON kay Moises sa ilang ng Sinai, na sinasabi, 15 Bilangin mo ang mga anak ni Levi, ayon sa mga sangbahayan ng kanilang mga magulang, ayon sa kanilang mga angkan: bawa't lalake na mula sa isang buwang gulang na patanda ay bibilangin mo. 16 At sila'y binilang ni Moises ayon sa salita ng PANGINOON, gaya ng iniutos sa kaniya.” (Bilang 3:14-16 KJV) Kaya si Moses ay binilang sila ayon sa kanyang inuutos.

“39 Yaong lahat na nangabilang sa mga Levita na binilang ni Moises at ni Aaron sa utos ng PANGINOON ayon sa kanilang mga angkan, lahat ng lalake mula sa isang buwang gulang na patanda, ay dalawang pu't dalawang libo. 40 At sinabi ng PANGINOON kay Moises, Bilangin mo ang lahat ng mga lalaking panganay sa mga anak ni Israel mula sa isang buwang gulang na patanda, at iguhit mo ang bilang ng kanilang mga pangalan. 41 At iuukol mo sa akin ang mga Levita (ako ang PANGINOON) sa halip ng lahat ng mga panganay sa mga anak ni Israel; at ang mga hayop ng mga Levita sa halip ng lahat ng mga panganay sa mga hayop ng mga anak ni Israel.” (Bilang 3:39-41 KJV) Ang layunin ng Dios ay kunin ang mga Levita bilang isang kapalit para sa panganay ng lahat ng mga Israelita.

“42 At binilang ni Moises, gaya ng iniutos sa kaniya ng PANGINOON, ang lahat ng mga panganay sa mga anak ni Israel. 43 At lahat ng mga panganay na lalake ayon sa bilang ng mga pangalan, mula sa isang buwang gulang na patanda, doon sa nangabilang sa kanila, ay dalawang pu't dalawang libo at dalawang daan at pitong pu't tatlo. 44 At sinalita ng PANGINOON kay Moises, na sinasabi, 45 Kunin mo ang mga Levita sa halip ng lahat na mga panganay sa mga anak ni Israel, at ang mga hayop ng mga Levita sa halip ng kanilang mga hayop: at ang mga Levita ay magiging akin; ako ang PANGINOON. 46 At sa ikatutubos sa dalawang daan at pitong pu't tatlong panganay ng mga anak ni Israel na higit sa bilang ng mga Levita, 47 Ay kukuha ka ng limang siklo sa bawa't isa ayon sa ulo; ayon sa siklo ng santuario kukunin mo (isang siklo ay dalawang pung gera): 48 At ibibigay mo kay Aaron at sa kaniyang mga anak ang salaping ikatutubos na humigit sa bilang nila. 49 At kinuha ni Moises ang salaping pangtubos sa mga labis na humigit sa mga natubos ng mga Levita: 50 Mula sa mga panganay ng mga anak ni Israel kinuha niya ang salapi; isang libo at tatlong daan at anim na pu't limang siklo, ayon sa siklo ng santuario: 51 At ibinigay ni Moises kay Aaron at sa kaniyang mga anak ang salaping pangtubos ayon sa salita ng PANGINOON, gaya ng iniutos ng PANGINOON kay Moises.” (Bilang 3:42-51 KJV) Ang Dios ay napaka partikular tungkol sa kanyang pag-angkin sa unang silang at sa mga panganay, Ang maliit na bilang ng unang-silang ay lumampas sa bilang ng mga Levita (273 sa lahat) upang matubos, at 5 mga siklo bawat piraso, at ang natubos na pera ay ibibigay kay Aaron. Ito ay kung paanong lahat ng unang silang ng Israel at ang mga panganay ng kanilang mga baka ay ibibigay sa Dios, binigyan sila ng Dios bilang mga kaloob sa mga pari na naglilingkod sa harap NIYA.

“14 Ganito mo ihihiwalay ang mga Levita sa gitna ng mga anak ni Israel: at ang mga Levita ay magiging akin. 15 At pagkatapos nito ay magsisipasok ang mga Levita, upang gawin ang paglilingkod sa tabernakulo ng kapisanan at iyo silang lilinisin, at ihahandog mo na pinakahandog na inalog. 16 Sapagka't sila'y buong nabigay sa akin sa gitna ng mga anak ni Israel; na kinuha ko silang kapalit ng lahat ng nagsisipagbukas ng bahay-bata, ng mga panganay sa lahat ng mga anak ni Israel. 17 Sapagka't lahat ng mga panganay sa gitna ng mga anak ni Israel ay akin, maging tao at maging hayop: nang araw na aking lipulin ang lahat ng mga panganay sa lupain ng Egipto, ay aking pinapagingbanal para sa akin. 18 At aking kinuha ang mga Levita na kapalit ng lahat ng mga panganay sa gitna ng mga anak ni Israel. 19 At aking ibinigay ang mga Levita na pinaka kaloob kay Aaron at sa kaniyang mga anak mula sa gitna ng mga anak ni Israel upang gawin nila ang paglilingkod sa mga anak ni Israel sa tabernakulo ng kapisanan, at upang magsigawa ng pangtubos sa mga anak ni Israel, upang huwag magkaroon ng salot sa gitna ng mga anak ni Israel, pagka ang mga anak ni Israel, ay lumalapit sa santuario. (20 Ganito ang ginawa ni Moises, at ni Aaron, at ng buong kapisanan ng mga anak ni Israel sa mga Levita: ayon sa lahat ng iniutos ng PANGINOON kay Moises tungkol sa mga Levita, ay gayon ginawa ng mga anak ni Israel sa kanila. 21 At ang mga Levita ay nagsipaglinis ng kanilang sarili sa kasalanan, at nagsipaglaba ng kanilang mga damit; at inihandog ni Aaron sila na pinakahandog na inalog sa harap ng PANGINOON; at si Aaron ay naggawa ng pangtubos sa kanila upang linisin sila. 22 At pagkatapos niyaon ay nagsipasok ang mga Levita upang gawin ang kanilang paglilingkod sa tabernakulo ng kapisanan sa harap ni Aaron at sa harap ng kaniyang mga anak: kung paano ang iniutos ng PANGINOON kay Moises tungkol sa mga Levita, ay gayon ang ginawa nila sa kanila.” (Bilang 8:14-22 KJV) Ang mga Levita na kinuha bilang kapalit ng lahat ng panganay ng Israel ay sumailalim sa proseso ng paglilinis at pagpapabanal bilang utos ng Panginoon bago sila ibigay kay Aaron upang umalalay sa paglilingkod sa tabernakulo ng Dios. Ito ay upang tiyakin ang kaligtasan at kaunlaran ng buong bansa - na walang salot sa mga anak ng Israel, na nangangahulugang na ang huling salot sa Egipto, ay hindi na mangyayari sa pamayanan. Bukod dito, ang mga pari na nasusuportahan ng mga unang-bunga ay magtuturo sa mga Israelita sa pagsunod sa Dios, sa gayo'y ang poot ng Dios dahil sa paghihimagsik ay hindi dumating sa kanila na nangyari kay Faraon at sa mga Egipto. Ngayon maari nating ilapat sa ating kapisanan ang parehong paraan upang ang ministerio ng Dios ay magpatuloy. Ang katawan ng mga pari at ang mga Levita ay upang maglingkod sa Dios at para sa kapakanan ng buong simbahan. Panatilihin nila ang kanilang sarili na banal at pinabanal para sa Dios na ibinukod sila upang maging Kanya sarili. Sila'y hindi nabigyan ng kahit anomang mamanahin ng lupa bagkus

ang Dios ay itinalaga ang pinansyal na suporta para sa kanila sa pamamagitan ng patuloy na pagbibigay ng ikapu sa mga Levita at ang mga unang bunga sa mga pari. Ang mga Levita ay inutusan din upang magbigay ng kanilang ikapu, isang ikasampu sa ikapu kay Aaron ang pari. **“25 At sinalita ng PANGINOON kay Moises, na sinasabi, 26 Bukod dito’y sasalitain mo sa mga Levita, at sasabihin mo sa kanila, Pagkuha ninyo sa mga anak ni Israel ng ikasangpung bahagi na aking ibinigay sa inyo mula sa kanila na inyong pinakamana, ay inyong ihahandog nga na pinakahandog na itinaas sa PANGINOON, ang ikasangpung bahagi ng ikasangpung bahagi. 27 At ang inyong handog na itinaas ay ibibilang sa inyo, na parang trigo ng giikan at ng kasaganaan ng pisaan ng ubas. 28 Ganito rin kayo maghahandog ng handog na itinaas sa PANGINOON sa inyong buong ikasangpung bahagi, na inyong tinatanggap sa mga anak ni Israel; at ganito ibibigay ninyo ang handog na itinaas sa PANGINOON kay Aaron na saserdote.”** (Bilang 18:25-28 KJV)

C. Pagbibigay sa Dios ng mga Ikapu, Unang bunga, at Handog: Ang kapisanan ng Dios sa ilang ay pinamunuan ng mga Pari at ang mga Levita upang lumapit sa Dios. Sa parehong paraan sa simbahan ngayon, nang si Cristo ay umakyat sa itaas, Siya ay nagbigay ng mga kaloob. **“8 Kaya’t sinasabi niya, Nang umakyat siya sa itaas ay dinala niyang bihag ang pagkabihag, At nagbigay ng mga kaloob sa mga tao. 11 At pinagalooban niya ang mga iba na maging mga apostol; at ang mga iba’y propeta; at ang mga iba’y evangelista; at ang mga iba’y pastor at mga guro; 12 Sa ikasasakdal ng mga banal, sa gawaing paglilingkod sa ikatitibay ng katawan ni Cristo:”** (Epeso 4:8, 11-12 KJV) Kaya’t kung ano ang itinakda ng Dios sa Lumang Tipan tungkol sa pinansyal na suporta para sa mga nangangalaga ng Kanyang tabernakulo, ay mahalaga sa simbahan ngayon at ang pagbibigay ng mga unang-bunga, ikapu, at handog para sa patuloy na paglilingkod sa Dios sa Kanyang Tabernakulo ay isang utos ng Dios na hindi maaring balewalain.

Sa aking mahal at minamahal: Ang Dios ay tinatawag ka ngayon upang ibigay ang iyong puso, ang iyong buhay at upang ibigay ang lahat na mayroon ka sa kamay ng Dios. Maging handa na lumakad sa landas na itinakda ng Dios para sa iyo upang pagdaanan. Ang Salita ng Dios ay sinabi ang sumusunod: **“29 Huwag kang magmamakupad ng paghahandog ng iyong mga ani, at ng tulo ng iyong mga pigaan. Ang panganay sa iyong mga anak na lalake ay ibibigay mo sa akin.”** (Exodu 22:29 KJV) Kung may sapat kang kita sa gayon simulan mong itabi ang iyong unang-bunga at dalhin ito sa Dios bilang buwanang mga pundasyon. Ngunit, kung may sapat ka ng ipon, sa gayon, hinihikayat kita na magtiwala sa Dios at sumunod sa Kanya sa paghahatid sa kung anong katumbas ng iyong unang buwan na sahod bilang iyong unang bunga sa Dios, at magpatuloy na gawin iyon sa taunang pundasyon. Subukan at tingnan kung paanong ang Panginoon ay tutuparin ang kanyang mga pangako at ang iyong kamalig ay mapupuno ng sagana, at ang iyong mga sisidlan ay aapawan ng bagong alak, **“9 Parangalin mo ang PANGINOON ng iyong tinatangkilik, at ng mga unang bunga ng lahat mong ani: 10 Sa gayo’y mapupuno ang iyong mga kamalig ng sagana, at ang iyong mga alilisan ay aapawan ng bagong alak.”** (Kawikaan 3:9-10 KJV)

Ang aking Panalangin: Amang Dios Ako’y lumalapit sa iyo sa pangalan ni Jesus na namatay sa krus para sa aking mga kasalanan upang bigyan ako ng buhay na walang hanggan. Panginoon salamat sa iyong Salita na nagturo sa akin tungkol sa pagbibigay ng aking unang bunga. Panginoon salamat para sa lahat ng pagpapala na ibinigay mo sa akin.

Ngayon bumalik sa Panginoon, magsisi at talikdan ang lahat ng iyong mga kasalanan. Panginoon, patawarin mo ako sa sumusunod kong mga kasalanan _____.

Panginoon ipinangako ko na ibigay ang aking mga unang bunga sa iyo. Panginoon tulungan mo ako sa aking buhay at ibigay ang lahat ng aking pangangailangan upang patuloy na paglingkuran kita.

Panginoon pagpalain ang aking Kapatid na lalaki at babae, na ipinangako ang kanilang buhay na sundin ka ta paglinkuran ka. Panginoon itaas mo sila ng iyong biyaya at ibigay ang lahat ng kanilang pangangailangan. Panginoon Ako’y nananalangin para sa kanila na nag-alay ng kanilang sarili at handang dalhin ang kanilang mga unang bunga sa iyo. Panginoon, nawa’y matupad ang iyong pangako sa kanilang mga buhay, na mapuno ang kanilang mga kamalig ng kasaganaan, at sumabog ang kanilang mga gumagawa ng alak ng bagong alak. Panginoon, tulungan mo ang mga nangangailangan sa pananalapi, patatagin mo sila at lutasin ang kanilang mga problemang pinansyal at tulungan silang bayaran ang lahat ng kanilang utang. Panginoon, nananalangin ako na ang iyong biyaya ay sumagana sa kanilang mga buhay. Panginoon, protektahan mo ang kanilang mga trabaho, mga visa at kita ng bawat kapatid, at pagpalain mo ang mga lugar at kumpanya na kanilang pinagtatrabahuhan. Panginoon, pagpalain at paunlarin mo ang mga regular na naghahatid ng kanilang ikapu, handog, at unang bunga sa iyong tahanan. Panginoon, nawa’y matupad ang iyong Salita at mga pangako sa kanilang mga buhay.

Panginoon pagpalain mo ang iyong simbahan at palaguin mo. Panginoon ako’y nananalangin para sa marami pang pageebanghelyo at maraming tao na maabot para kay Cristo. Panginoon gamitin ang lahat ng nakolektang pananalapi upang abutin ang bagong mga tao at suportahan ang lahat ng pangangailangan sa

simbahan. Panginoon ako'y nanalangin para sa marami pang pangkat ng pagaaral ng Bibliya na mabuksan. Panginoon sa mga masunurin pahiran sila ng iyong Banal na Espiritu at gamitin sila upang abutin ang nawawala at ihatid ang bunga na hangad mo na makita sa buhay ng iyong simbahan. Panginoon tulungan kami at protektahan kami habang kami'y nagtitiyaga sa paglilingkod sa iyo. Panginoon pagpalain kami, palawakin mo ang iyong lupain, sumaamin nawa ang iyong kamay at ilayo kami sa anomang kapahamakan upang hindi kami makaramdam ng sakit. Nawa ang biyaya ng Panginoong Jesus at ang pagibig ng Dios at ang pakikipagkaisa ng Banal na Espiritu ay sumaaming lahat sa pangalan ni Jesus, Amen.

Dr. Ramiz Khalaf
Ang Tagapamahala ng Simbahan
Simbahan ng Diyos
United Arab Emirates
Email: thebread1@gmail.com
Mobile Tel.#: 00971551902647

Tandaan: Ang Tinapay ng buhay ay lingguhang paghahayag mula sa Simbahan ng Diyos, United Arab Emirates. Sa karagadagang usapin at higit sa espirtual na pagpapalago maari mo kami bisitahin sa aming website sa: www.churchofgoduae.com

Ibahagi mo ito sa iyong mga kaibigan.

Nakikiusap ako na ibahagi mo sa amin ang iyong saloobin tungkol sa mensahe at

kung mayroon kang katanungan.

Kung mayroon kang kahilingan na panalagin, maari mong ipadala sa numero ng whatsapp: 00971551902647, o sa email na ito: thebread1@gmail.com.

Pakipadala ng iyong ikasapung bahagi, iyong unang bunga at iba ibang handog sa simbahan sa account na ito:

Pangalan ng Banko:
First Abu Dhabi Bank (FAB)
ACCOUNT NAME:
RAMIZ BAHNAM ABBO KHALAF
ACCOUNT NO:
1576003753162014
IBAN:
AE3803151576003753162014
SWIFT CODE:
NBADAEAACPU

O tawagan ako sa whatsapp numerong ito: 00971551902647 o sa email na ito: thebread1@gmail.com

Kung kailangan mo ng payo sa bahagi ng iyong buhay, kung ito'y tungkol sa pamilya, mga anak at pinansyal, malaya kayo makipagugnayan sa akin sa whatsapp na numerous: 00971551902647 o sa email na ito: thebread1@gmail.com